



Nuuk, 16. april 2015

Anthon Frederiksen

**UPA2015/54**

**Upernaviup eqqaani nunaqarfimmi Kullorsuarmi timersortarfiliornissamut Naalakkersuisut AIS 2016-mut 25 mio. Koruninik immikkoortiteqqullugit peqquneqarnissaannik Inatsisartut aalajangiiffigisassáattut siunnersuut.**

(Inatsisartunut Ilaasortaq Hans Enoksen, Partii Naleraq)

### **Siullermeerneqarnera**

Inatsisartunut ilaasortap Hans Enoksenip Partii Naleqqamiit siunnersuutaa Partii Naleqqamiit imannak oqaaseqarfingissuarput.

Qujanaq, Inatsisartunut Ilaasortaq Hans Enoksen Partii Naleraq, Kullorsuarmi timersortarfiliornissamut 2016-imut aningaasanut inatsisissamut 25 million koruuninik aningaasaliisoqarnissaanik siunnersuummut.

Soorlu siunnersuuteqarninni oqaatigigit; nunaqarfik Kullorsuaq ineriertormat aammalu inuttusigaluttuinnarmat minnerunngitsumik aalisarnikkut piniarnikkullu periarfissat taavani ajunngilluinnarmata.

Kullorsuaq kisitsisit kingullit naapertorlugit 457-inik inoqarpoq, taakkunannga meeqqat inuusuttullu 17-it tikillugit ukiullit katillugit 168-iupput, 18-64-inik ukiullit 273-iupput, 65-illu sinnerlugit ukiullit 16-iullutik.

Kullorsuaq nunaqarfiiit anginerpaat ilaat allanut naleqqiullugu sutigut tamatigut katataasimavoq timersortarfeganngilaq, meeqqeriveqanngilaq, katersortarfeganngilaq aamma utoqqaat illoqanngilaq taamaammat pisariaqarluinnarpoq Kullorsuup aamma allatuulli pilersorneqarnissaa.

Tassami Kullorsuup eqqaa puisinik, qilalukkanik, timmissanik minnerunngitsumillu qaleralippassuarnik piniagassaqarluarlunilu aalisagarpassuaqarpoq.

Qilalukkat qernertat qaqtallu nalliussimaarnerini nunaqarfik assorujussuaq “uummaarissisarpoq” – ilumullimi piniakkat taakku ingasaassisumik killilersorneqanngikkaluarpata nunaqarfimmuit ilaqtariippassuarnullu aningaasarsiornikkut siuariartornermullu atorluarneqarsinnaagaluartut ullumikkut tamakkiisuunngitsumik killeqaqisumillu atorneqarput.

Qaleralinniarneq Kullorsuarmi annertoorujussuarmik suliffissaqartitsilluni aningaasarsiuutaasinnaagaluartoq ukiuni makkunani killilerujussuarmik ingerlanneqarpoq, tassa tunisassiorfeqannginnera pissutigalugu, aammalu upernaakkut aasakkullu iluameersumik talittarfeqannginnera pissutigalugu.

Allaammi siorna tusagassiutitigut upternarsarneqarpoq angallat tunitsiviusoq taavani aalisartitsimmat – aalisarneq unitsinneqaannartariaqarsimasoq qalerallit angivallaarneri qerinasuartitsivimmullu tattuunneri pissutigalugit.

Ila pissutsit taamaannerat pissutigiinnarlugu inuussutissarsiornerup ilarujussua unitsiinnarneqarsinnaappat, taava inuussutissarsiornerup siuarsarneqarnissaanut periarfissat pitsasut atorluarneqarnissaat pimorunnerullugit ingerlanneqartariaqartut isumaqarpugut.

Taamaammat Partii Naleqqamiit qularutiginngilarput nunaqarfik Kullorsuaq Naalakkersuinikkut piumassuseqaraanni inuussutissarsiornikkut nunatta karsianut aningaasarpassuarnik iluanaaruteqarfiusinnaasoq, tassami Kullorsuarmi qanittumi qaleralippassuaqarpoq ullumikkut tamakkiisuunngitsumik aalisarneqartunik soorlu siuliani aamma oqaatigigipput.

Kullorsuup inuttussusia aammalu inuuusutorpassuaqarnerata takutippaa timersornikkut periarfissat nunatsinni inoqarfinnut allanut naleqqiullugit pitsaanerpajunngitsut allaammi nunaqarfitt arallit Kullorsuarmiit mikinerusut innuttakinnerusullu timersortarfeeqyanik inuusuttunut iluaqtaaqisunik peqarput.

Naalakkersuisut akissuteqarnerminni ilaatigut Kullorsuarmi atuarfiusimasup sunngiffimmi sammisassaqarfittut atorneqarnera innersuussutigaat, kisianni taanna atuarfiusimasoq innarlersimassutsimigut minnerunngitsumillu oqummik nalaanneqarsimanermigut ima pitsaanngitsingaaq, atuarfittulli atorneqarallarmat, tassani sulisusimasut peqqiilliornerpassuarnik eqqorneqartarsimallutik, qularnangilaq sullivinni nakkutilliisut allalluunniit peqqinnissamik

isumaginnittut illu pineqartoq misissorneqaraluarpat taava Kullorsuarmiut suli ullumikkorniit erloqinarnerusumik inississinnaanerat pisinnaasoq qularutissaanngilaq.

Partii Naleqqamiit nalunngilarput Naalakkersuinermik suliallit aamma Naalakkersuisut arlallit Kullorsuaq ukiut ingerlanerini tikeraartarsimagaat, kisianni taavani pissutsit iluarsineqarnissaannut annerusumik iliuuseqartoqartannginnera tamaanga killeqartariaqartoq Partii Naleqqamiit isumaqarpugut.

Naalakkersuisut siunnersuutip itingartinneqarnissaanik inassuteqarnerat Partii Naleqqamiit assut paasiuminaatsipparput tassami Naalakkersuisooqatigiit isumaqatigiissutaanni ima allaqqasoqarpoq:

*“Inuit tamarmik peqataaffigisinnaasaat timersuutit tamanut ammasuunerat pissusissamisoorpoq, taakkulu illoqarfinni nunaqarfinnilu 200-it sinnerlugit inoqartuni timersortarfinni imaluunniit timersortarfeeqqani sammisarinissaannut sinaakkutissat pisariaqartinneqartut pilersinneqassapput.”*

Siunnersuut QaaSuitsup Kommuniata kissaataanut ilaanngikkaluartoq Partii Naleqqamiit isumaqarpugut meeqqat inuusuttullu timikkut anersaakkullu peqqinnartunik sammisassaqtinneqarnissaat pillugu tamatta akisussaassuseqartugut.

Kisianni Naalakkersuisooqatigiit aamma isumaqatigiissumminni imannak anguniagaqarsinnaagunik:

*“Ivigaasanik gallikkanik arsaattarfinnik pilersitsinissamut aningaasanik immikkoortitsisoqassaaq, taakkulu kommunit suleqatigalugit pilersinneqassapput.”*

Taava soormi Kullorsuaq allallu immikkoortinneqassappat / allaanerusumik pineqassappat?

Taamaamat Partii Naleqqamiit pissutsit suli ajornerulinnginnissaat qulakkeerumallugu siunnersuut taperserparput.

Taama Partii Naleqqamiit oqaaseqarluta suliap aappassaanneerneqannginnerani ataatsimiititaliami susassaqtumi suliarineqarnissaa inassutigaarpuit.